

## SARS e nka mehato ya boitshireletso ka nako eo ditshwaetso tsa COVID-19 di ntseng di nyoloha

**Tshwane Labone la 24 Phuptjane 2021** – Ditshebeletso tsa Lekgetho tsa Afrika Borwa (SARS) di kgathatsehile haholo ke ditlamorao tse mpehadi tse leqhubu lena la boraro la sewa sa COVID-19. Palohare ya matsatsi e supileng ya ditshwaetso tse tsa COVID-19 jwale e se e fetile 12 000. Ka letsatsi le le leng feela - la 23 Phuptjane 2021 – ho bile le ditshwaetso tse 17 493 tse ileng tsa tlalehwa mmoho le mafu a 166. Re lebisa kutlwelobohloko ya rona ho bohle ba lahlehetsweng. Sena se amme bohle ba rona bao re ba ratang, metswalle le basebetsimmoho.

Ho latela dintlha tsa Molao wa Botsamaisi ba Diqomatsi, Ditshebeletso tsa Lekgetho tsa Afrika Borwa (SARS) di tla dula e le ditshebeletso tsa motheo / bohlokwa. Haesale re tsitlallela bohlokwa ba ho tliša botsitso pakeng tsa ho tswela pele ka ditshebeletso ha ka lehlakoreng le leng re ntse re lwantshana le kotsi ya tshwaetso.

Ka lebaka la ditshwaetso tse ntseng di eketseha haesale ho qala sehlohlolo sa leqhubu lena la boraro la sewa sena, re entse qeto ya ho kwala makala a rona nakwana bakeng sa bao ba lakatsang ho re etela ho tloha ka Labone la 01 Phupu 2021. Re kgona ho etsa jwalo hobane re na le dikanale tsa rona tsa dijithale tsa SARS hobane jwalokaha re bontshitse ka nako ya leqhubu la bobedi, tse di dumella balefalekgetho ho tswela pele ho ikobela tefo ya lekgetho ka tsela ya inthanete.

Hwa bohlokwa, ho kwalwa hona ha nakwana ha makala a lekgetho ho keke ha ama ho qala ha Sehla sa ho Faela bakeng sa batho ka bomong bao ka tlwaelo ba faelang ka tshebediso ya eFiling kapa SARS MobiApp. Balefalekgetho bana ba kgothaletswa ho tswela pele ho etsa jwalo ka mokgwa wa dijithale, ho qala ka la 1 Phupu 2021.

Ho faela makaleng HO KEKE ha qala ka la 01 Phupu 2021. Mothating ona, re rerile ho qala ka diketelo tsa makala hape ka la 16 Phato 2021 empa re tla dula re lekola sena kgafetsa. Balefalekgetho ba eletswa hore ba se etele makala a SARS. Makala ana a tla dula a kwetswe ho fihlela ho ba le tsebiso e nngwe e tiisang hore a tla boela a bulwa neng hape.

Ka nako ena ya ho kwalwa ha makala, balefalekgetho ba hlohang thuso ka ho faela ka inthanete ba tla thuswa ka mohala ke basebetsi ba SARS ba tshepetsweng sena.

Bolaodi ba meedi le madiboho ohle a tla bulelwa ditshebetso tsa mantlha empa e seng tse mabapi le ho sebetsa le batho sefahleho le sefahleho ntle feela le haeba sena se le mabapi le tlhekelo le tsa tekolo.

Ho bapa le boitlamo ba rona ba ho ntjhafatsa mekgwatshebetso ya rona le ho nolofatsa balefalekgetho ho arabela boitlamo ba bona ba lekgetho, re tswela pele ka boitlamo ba rona ba ho sebedisa theknoloji ho netefatsa hore ditshebeletso tsa balefalekgetho di dula di ntse di tswela pele ka tsela eo ka bobedi re ka netefatsang polokeho ya basebetsi ba rona le ya balefalekgetho.

Re hopotsa setjhaba ho hlokomela tse latelang:

- Ditlhophiso tsa ho se kopane sefahleho ho sefahleho di ka etswa ka websaete ya SARS ka ho latela kgokanyo ena e ka tlase: <https://www.sars.gov.za/contact-us/make-an-appointment/>; le ka ho romela SMS ho 47277 ka lentswe lena “Booking” mmoho le nomoro ya hao ya phasepoto / ID / Bophaphathehi mme akgente ya SARS e tla ikopanya le wena ho o hlophisetsa kopano.
- Balefalekgetho ba ka sebedisa dikanale tsa rona tsa dijithale ka ho etela [www.sars.gov.za](http://www.sars.gov.za)
- SARS Contact Centre (0800 00 7277) e tla tswela pele ho arabela dipotso dife kapa dife tse tswang setjhabeng.

SARS e tla tswela pele ho beha leihlo boemo bo ntseng bo fetofetoha ba sewa sena sa COVID-19 le ho etsa hore balefalekgetho bohle ba Afrika Borwa ba dule ba le sehlohlolong mabapi le diphetoho dife kapa dife tse tlang ho etsahala.

Ho fumana lesedi le fetang lena, ikopanye le [SarsMedia@sars.gov.za](mailto:SarsMedia@sars.gov.za)